



17357 ~~Kal. Augusti~~

I Mag. St. Dr. P

Miaryński Seb: Titulionoma piis manibus  
Petri Titulii, Episc. Crac.

PANEG. et VITAE

Polon. 4<sup>o</sup>

1042.

Biblioteka Jagiellońska



stdr0002315

P. V. 420

TILICIOMNEMA  
PIIS MANIBVS

ILL<sup>MI</sup> AC REV<sup>MI</sup>

PETRI TILICI

EPISCOPI

CRACOVIAN.

DVCIS

SEVERIEN.



A

SEBASTIANO MICZYNSKI

*Art. Lib. Magistro, & Philosophiae Doctore*

*factum, ac consecratum.*

IV. Id. Junii. MDCLXVI.

CRACOVIAE,

In Officina LAZARI, Matthias Andreouien,

excussit, A. D. 1616.

Sic stata Fatorum series sanxit.



17357  
Pristina Maiestas Soliorum in Scepra superba  
Effluxit. Reges his sua iura probant.

Lechiacum, Regnis, cum gestet Scepra Lyceum  
An par? si videas, rem bene, manus erit.  
Sceptrigeri sua Doctrinæ, quia colla Dynaste  
Submittunt; huius nonné agè maior honos?

R. BIBLIOTHECA

UNIV. CRACOV. A. D. 1735

CRACOVIENSIS

151880000

INCLYTÆ MATRI  
ACADEMIÆ  
CRACOVIAN.

SEBASTIANVS MICZYNSKI  
inscribo, & dico.



VM PETRO TILICIO EPISCOPO  
CRACOVIAN. DVCI SEVERIEN. *Iu-  
sta facio, veròq; PARENTI nostro pa-  
rento, memoriam PIIS MANIBVS ipsi-  
us factam ingenij mei monumentis in  
lucem emitto; Et tuum & ACADEMIA mea audeo no-  
men vsurpare, apud quam feci. Laudes nescio an la-  
chrymæ sint; sed TILICIO fusæ, & in tuum amatis ac  
lugentis sinum, TILICIVS tuus fuit, Et tu TILICI. Cur  
tuum ille? Oratio mea indicat. CANCELLARIVS tuus  
fuit, te quàm ornatissimam, & integerrimam semper es-  
se, studuit: pro tua aris, laude, salute, cum lividis, &  
susurronibus acerrimè depugnauit. Cur tu illius? Pu-  
blici Boni amans fuit, à te quæ mater es, aut sedes an-  
tiqua virtutum, & scientiarum omnia proficisci vidit  
in vsum Religionis Catholicæ Romanæ, in vsum, atq;  
ornamentum Boni publici, in tam pertinaci studio eru-*

diende iuuentutis sola ferè mercede à consciètiâ. Præ-  
tere à dotes in eo amasti, coluisti, quas b. c. adorno, & in  
ipso Orationis vestibulo legi volo,

STIRPEM,

ERVDITIONEM,

VIRTUTEM,

DIGNITATEM.

quem & nunc non sine effectum adfectum video,  
dum diligis vmbra

Et colis exequias.

Nam & Sollennia ista funeris, curæ tibi fuerunt: quia  
vt Laudes è viuis expuncti publicè legerentur, aut au-  
direntur, effecisti. Quare ô Inchyta ACADEMIA mea  
accipe hasce lacrymas, siue mauius Laudes TILICITUI,  
velut animi cultusq; mei æternum in te pignus; & me  
radio benevolentie tue ad maiora dirige, attolle, pro-  
uebe. Ego quicquid est in me ingenij; quicquid viri-  
um, in vsum, in cultum, in laudem tuam, tuorumq;  
consecro. Viue & vale. E Contubernio Philosophorum  
IV. Idus Sextil. C13. 13C. XVI.

Grati simus in eius morte de- Cic Phil.  
ix.  
corandâ, cui nullam iam aliam  
gratiam referre possumus.



Vatum publicum ferali Pompâ V-  
RI NOBILISSIMI, non more, sed  
mœrore, & affectu pio in morte Ill<sup>mi</sup>  
& Reu<sup>mi</sup> PETRI TILICII Episcopi  
Cracouien. instauramus, dum iusta  
soluimus; & verè

————— *Diuini ossa Parentis.*

*Condimus*

terrâ; simulq; quicquid nobis lætum, aut volupe  
fuit. Reuera enim, à leto huius Magni Herois o-  
mnia læta videntur nobis adempta. Bruti primi  
Consulis Romæ: & Boleslai primi Regis Regni no-  
stri olim in Poloniâ obitus quasi vnus anni funus,  
& luctus fuit: nobis hæc iusta magnis heu TILICII  
vnus MANIBVS debita erunt non *Sollennia*, sed  
*Perennia*. Scilicet; & abitus ipsius à nobis æternum  
est ô Sarmatia tibi; æternum nobis funus. Hoc Di-  
uina eius virtus: hoc animi rectitudo: hoc pietas  
in Patriam: hoc

*Poscit* & ANTIQVIS MORIBVS *apta fides*:  
hoc deniq; merita in *Bonum Publicum*. Vixit ille;

& utinam diutius vixisset? Vir enim fuit: immò  
Heros fuit, quem aut omnibus seculis nasci oportuit,  
aut nunquam denasci. Sanè ô Patria meâ in tuo discrimine suum discrimen censuit; suam salutem in tuâ salute: propter te non excubias modò egit, sed etiam toties laterum oppositus: Academiam nostram contra omnes assurgentes insultus propugnauit: nos alios amauit, aliis benè fecit, benè voluit. O desiderium extincti! virum certè, virum ab aureo æuo, in quo cum priscâ doctrinâ, prisca religio, prisca, & aurei mores, amissimus. Religio quidem illa ex sensu, & ritu veteri, assertorem, & defensorem: Sarmatia in rebus afflictis ac penè prostratis fulcrum, & ornamentum: Clerus Episcopum: Senâtus propugnatorem: Equestris ordo patrum: Academia Cancellariû, & tutelare quoddam Numen: TILICII nobilissimæ suæ gentis Columnen, & Lumen: nos alii tutorem: alii insigne virtutis, & Prudentiæ exemplar. O fallaces spes nostras, & incerta vota! Siccine optimos

— quosq; rapit dura inclementia fati?

Scilicet hoc vnum restabat attritis infelicis Sarmatiæ rebus, vt PETRVS TILICIVS, in quem intuens omnium quas excepit acerbitatum deponebat memoriam, acerbâ atq; inopinâ mortè caderet. Et ecce cecidit, Gente nobilissimus, famâ optimus, animo præ-



mo præstantissimûs; sed etiam virtute, eruditione,  
dignitate maximus, & clarissimus: talis & tantus  
heu cecidit! libertatis amator & *Boni Publici*, à  
primâ iuventâ magnus in omni re, consilio, virtu-  
te, cecidit.

*Luctus iungite luctibus:*

*Fletus addite fletibus:*

*Planctus necite planctibus;*

& reddite ei piâ memoriâ vitam, qui pro nobis at-  
tritus laboribus vitâ orbis iacet. Pietas fidesque  
exposcit.

*Flebile Sapremi funeris officium*

mæsta voce, stiloq;: Ego facio re, ac verbis; & quem  
vixsus suspexi, è viuis expuncti MANES piâ memo-  
riâ prosequor. Haud fas quidem lugere & dolere  
in morte talis, & tanti viri, quem

*ardens evexit ad æthera virtus;*

præsertim cùm hoc ipsum sic à PROVIDENTIA, &  
Fato, cuius prima lex est: *Stare decreto*: sed tamen  
vulnere tam graui accepto in tam dubiis, & formi-  
dolosis nostræ Sarmatiæ rebus, immanem quan-  
dam duriciam esse reor, non flere, aut moueri. Vi-  
rorum enim Illustrium & Magnorum, quorum vita  
vttilior visa, mors nunquam non acerba videri po-  
test: vt potè in quorum salute & vitâ, salus vitâq;  
*Boni & Publici & Priuati* sita. Et hinc ego do la-  
crymas,

erymas, ab animo veluti fonte, do laudes magni do-  
loris indices; sed ita do, vt hunc ipsum luctum, atq;  
dolorem, gratâ breuiq; commemoratione virtu-  
tum, ac laudum nostri ANTISTITIS TILICII in  
vobis leuem. Profectò enim, non tam à nobis abla-  
tus, quàm ab Æterna & Supremâ illâ VITA euoca-  
tus videbitur, ad meliorem vitam. Namq;

*Virtus recludit immeritis mori*

*Cælum.*

Ergo iam VIRI NOBILISSIMI adeste; mentem  
afferte & fidem: illam pronam; & istam promptam:  
adeste vos quoq; MANES gloriosi, & vocis meæ  
pietatem, quâ facio funebrem repentinæ laudatio-  
nis honorem excipite.

À lacrymis ordior, & præficam lugubri carmine  
Musam ipsam facio querulâ voce, immò hornâ vo-  
ce *Nenian* facio.

*Musa sume lynam doloris vdo*

*Plenam murmure: tibiam q; prome*

*Aptam lugubribus Sacris, modis q;*

*Quippe delicias Loquella suetas*

*Odit; & Pietas obire grate*

*Mentis officium iubet. Dies hic*

*Haude est letitia: est feraliorum*

*Atrà imagine vulnus, atq; funus.*

*Heu! magnum, miserum, atq; luctuosum*

*Funus.*

*Funus. TILICIVS PETRVS virorum*

*Ille Maximus, Optimusq; Mystes,*

*Antistes tuus, Urbs Beata Cruci,*

*Et Custos Patriæ, Paterq; verus,*

*Publici q; Boni vigil Senator*

*Occidit. Sophiæ decus vetustæ*

*Et Suadæ cecidit. Parens ab ævo*

*Prognatus veteri, ipse moris, atq;*

*Virtutis veteris: vetustiorum*

*Gnarus artium, amansq; ritè veri,*

*Et sensus Fidei vetustioris.*

*Dunam ò præcipitis necessitatem*

*Fati! quæ violenter æiterni*

*Carpit exuias viri. fuisset*

*Cuius hîc honor, & beata cum*

*Priuatæ simul esse Publicisq;*

*Rebus præsidium: bonos tueri:*

*Malos opprimere: ac fouere Diuas*

*Fontis Castaly, Diamq; Themis.*

*Occidit columen decusq; Regni,*

*PETRVS TILICIVS: dolete Ciues*

*Ciuem perdidimus, Rei q; fulcrum*

*Publicæ. Fuit ille dignus annis,*

*Quos fertur placidos obisse Nestor:*

*Quos Titonia computat Senectus.*

*Quis desiderio pudor modusue*

**B**

*Sit ca-*

*Sit cari Capitis, viriꝫ magni?  
 Largo proluitur dolore pectus,  
 Et sulcos lacrymæ replent, piumꝫ;  
 Laborem violant. Quid ergo e Cesso?  
 Non totum lacryma hauriet dolorem.  
 Vos mecum querulam mei Poloni  
 Vocem fundite. Triste nempe nobis  
 Funus TILICIVS PETRVS virorum  
 Ille Maximus, Optimusꝫ, Mystes,  
 Antistes tuus Vrbs beata Craci,  
 Et Custos Patriæ, Paterꝫ verus.  
 Publiciꝫ, Boni vigil Senator.*

Sed induciæ paulisper doloris sint, dum infelici e-  
 loquio, quale obsitum singultibus pectus solet eli-  
 quare laudes pango, veluti ex vberi messe pauculas  
 spicas in solatium. PETRVM TILICIVM dum no-  
 mino, totum noscit, quisquis audit: quia sine titu-  
 lo magnus fuit, & talis tantusꝫ; vt esse apud omnē  
 posteritatem pergat

imprimis; sed magis **STIRPE,**  
**ERVDITIONE,**  
**VIRTUTE,**  
**DIGNITATE.**

Stirpe dico: quippe interest, & de iis talibus spes  
 omnino maior meliorꝫ; qui ab hac meliori & præ-  
 stantiori, dum origo nescit deficere quæ consuevit  
 radicibus pullulare. Non defecit in nostro TILICIO.

Etenim

Etenim nobilissima Gente Wieliciorum ortus, & <sup>1543. xxi.</sup> nobilissimis atque optimis parentibus ANDREA <sup>Calen. Iulii</sup> WIELICKI, & HEDVIGI BIELSKA natus, sub tem <sup>iuxta Cor-</sup> <sup>rect. Calen.</sup> pus exoriētis Solis instar Solis in Polonia luxit, & accepta à maioribus luci, tantā lucem, suā addidit luce, vt nihil ab ipsis accepisse omnia attulisse videatur. Remotā inuidiā, Posterī magis hoc dicent, vix credituri canescentibus demum *Naturæ* annis tantum virtutis decus affulisse; sed enim affulsit, & exemplo ostendit omni æuo nasci viros bonos, & viuere. Neq; id difficile fuit. Videlicet ab ipso inuentis æui flore, accessit illi diligens & recta institutio, radix atq; crepido cui firmiter, id quicquid est reliquum vitæ, insistat. Alta indoles eius iam tum alta spectauit & honesta. Namq; aptus per ætatem, honestis disciplinis operā dedit, quibus vnaq; pulchris moribus diligenter domi excultus, Cracouiam missus in Academiam matrem virtutum scientiarum & elegantiarum, aut sedem, non in lusi- bus, iocis, ocio, (vt modernum solet vulgus) sed rebus in seriis, animi contentione, labore florem æui transegit. Tradiderat hîc suam illam ætatem rudis adolēscentiæ formatoribus doctis, vt fingentium quodam modo sequeretur manum, in varias virtutum ducentem formas. Non puduit ipsum paulisper se demittere, vt semper excelsa teneret:

non parere, vt semper imperaret. Indignus alto qui nunquam se demisit: qui nunquam paruit, imperio indignus. Non puduit inquam ipsum parere viris optimis, ac doctissimis; & non seruilis aliqua formido: sed cultus honesti filiale iuuenis exprimebat obsequium. Hinc illa in virtute, & literis assiduitas, vt cui non dies solum, sed horæ, sed puncta appensa semper, & numerata fuere. Non ardorem sibi, non industriam alter præripuit. nititur cõnititur eousq; æmulus, donec & ipse æmulandus extiterit. Inter sui similes, semper dissimilis, vt laboris suscepti alacritate: ita honore virtutis perceptæ. Creuit in eo cum atate doctrina, & virtus, quò senior eò perfectior. Etenim hîc in hoc publico doctrinarum epulo

————— *quæ natura negauit*  
*Visibus humanis, oculis ea pectoris hausit*

id est scientiam de natura, temporum ratione, situ terrarum, populorum institutis, ingeniis, moribus: ius vtrumq; , historiam sacram, & profanam, nouam, & veterem, domesticam, & externam: hausit, rationem vitæ formandæ, gubernandæ Reipublicæ, dandorum, & capiendorum magnis de rebus consiliorum. Deniq; illam cui hæc omnia alliges Diuinam Theologiam; & ex his omnibus, experientiam penam virtutis, & prouidentia, quam alij

*seris*

————— *seris mercantur ab annis.*

Et quis in eo hæc quæ dico, dum viueret, non vidit, nisi cui in claro & illustri Sole meridies est notis? Fuit in eo iuvene, sed iuvene viro varia doctrina: fuit virtus matura semper, & planè virilis: vt ætatem quodam modo in sua desideres ætate, floremq; vltra floridū stupeas seculum, ob Pietatem, & Probitatem vtrasq; singulares, vtrasq; eximias. Prior mehercle in corde magis ipsi fuit quàm ore; nec enim purum & mysticū Religionis nostræ Catholicæ liquorem corripit veteri aliquâ, aut nouâ olenti fece; sed à maioribus hominibus religiosissimis ante doctrinam hanc spernentem diuos, natis acceptum puro, pioq; sensu, ac ritu coluit, & Numen Diuinum non solùm adorauit; verùm & adorauit laude, prece, cultu: idq; prisco more. Posteriorem verò factis magis quàm specie exercuit: nihil opinionis causa, omnia conscientiæ fecit:

————— *Turpi secreuit honestum,*

*Non verbis, sed re, sed vitâ & pectore puro.*

Rectus ille semper, & indies sui similior: nihil nisi arduum, nisi excelsum, speiq; plenum cogitauit. Talem reuera esse oportuit, quem non fortunæ cæca varietas, non iudicium vulgi mobilis, non erronea alicuius autoritas, sed Coelum ipsum, ipsa Natura virum Reipublicæ procreasset. Et iam tum in ipsâ iuuentâ Magni Senatoris elementa exhibuit:

dum sibi virtutis assignaret cùrricula : dum Reipub-  
 licæ cogitaret præsidia : dum ætatem ætatisq; exu-  
 eret studia, se Ciuem Patriæ optimum paraturus.  
 Magnum certè florenti dedecus ætati præclaro hoc  
 exemplo impressum est, cum iuuenis ingenitos im-  
 petus, frenauit iudicio : temeritatis aculeos, confi-  
 lio repressit : feruorem iuuentæ, maturitate restin-  
 xit : virilibus artibus, ignes iuueniles sopiuit : in ijs  
 deniq; quæ id æuum abripere vulgò assolent, ani-  
 mum prætulit senilem. Deum immortalem quan-  
 ta in hac ætatis intemperie temperantia ! Non vis  
 cum aliqua, non supplicij rexit formido, non disci-  
 plinæ iugum impositum : animus generosus cum  
 duci se patitur, trahi non patitur. quid ergo ? bona  
 mens, ratio recta, & à Deo directa, à Fide illustrata,  
 quam ille vt Theseium secutus filum domuit cupi-  
 dines, & exultantes animi motus : illecebras libi-  
 dinumq; fomites refecuit : insidias illius blandæ  
 Dominæ *Voluptatis* dico, cauit ac fugit, vnaq; Ache-  
 loidum cantus, verissimum illud ratus : *Animo per  
 libinem corrupto nihil honestum inesse.* Atq; ita per  
 inculta vepribusq; horrida loca, contendit ad arcẽ  
*Continentiæ*, seq; purum in iuuentâ seruauit, purum  
 in omni ætate. Ponderus mihi & autoritas ab ipsius-  
 met verbis ad suos frequentibus esto : *Olim & nunc  
 continentia rara & à quâ non affectu duntaxat aut  
 affectu*

Tacit. xi.  
 Ann.



aspectu pleriq; abeunt, sed specie etiam virtutis; præsertim in his regionibus nostris ubi immanis ingluviens dominatur; rara inquam sed cara & insignis virtus. Expertus cum iam id ætatis sim dico: quisquis

*Integer vitæ scelerisq; purus,*

præcipue incôtentis fœminarum gregis annum ætatis vigesimum attigerit, hunc reliquo totius vitæ suæ curriculo securiorem futurum ab hoc Ciræo poculo, & alta atq; Diuina semper cogitaturum, quæ mortalis attingere non potest, nisi omissis corporis gaudijs, quæ propria libidini, in sordidis cogitationibus, & in cæno suo hærenti. Ab hac scaturigine magnus illi animus, & facere, & pati fortia paratissimus: quem nulla vnquam fortuna aut extulerit, aut depresserit; quem etiam Reipublicæ vt illius limē attigit largiendum censuit. Nec frustra ab eo expectes messem qui in vere iuuenili fecit sementem. Sementem dico *Virtutis & Doctrinæ*: quod hæc sine illa damnosa; illa sine hac parum decora, aut ornata; iam enim in ætate maturiori contulit se in eum locum vbi veluti in amplissimo theatro sua virtus excurrere probariq; posset industria. Serenissimi Sigismundi Augusti Regis *Aulam* intelligo, quæ fuit optimorum ingeniorum campus, palestra eruditionis, studium gloriæ, Lydius lapis virtutis, ac constantiæ; & hic redituum publicorum rationibus incubuit gnauiter, & dili-

& diligenter cum amore ac veneratione omnium,  
& commodo *Ærarij Publici*. Vixit enim, & munus  
suum obiuit absq; suspicione auaritiæ, aut querela.  
iuxta illud ad immortalitatem gloriosum: *Omnibus  
prodesse: nemini nocere*: Rem breuiter noto. Cu-  
iusdam vitâ functi, bona fortunaſq; florentes à Re-  
ge sibi Caduco iure (vti vocant) meritò data, que-  
relas, & notam auaritiæ fugiens, iam accepta resti-  
tuit ijs, ad quos minùs pertinere videbantur: ratus  
non esse pulchrum, aut commodum alienis ditescere  
incommodis. Ita me Deus amet, hæc virum o-  
lent, immò Heroëm. Vno verbo, vix alium tantâ in-  
dole, aut virtute Polonia nostra habuit. Altè hoc  
imprimite, quoscuq; talium afsidua excoquit cu-  
ra; & hominem supra homines positum ne detre-  
ctate imitari. Non iurè sic loquar? Altus ille in hæc,  
altus in omni virtute. Pompa, & ambitio pleròſq;  
sæpe abducunt; præsertim in secundo rerum hu-  
manarum cursu, ætate, ingenio, nobilitate, gratiã  
Principum; & quod Poëta ait.

---

*Nos vilis turba caducis  
Deseruere bonis, semperq; optare parati  
Spargimur in casus.*

Ille in virili iam flore diuina quadam celsitate præ-  
ditus, isthæ puncto temporis vniuersa despexit, re-  
pudiavit, abiicit; & vt nihil, nisi summum eligeret  
Sacra

Sacra placuere, sanctisq; Altaribus purum admouit  
Sacerdotem adscriptus in amplissimum Collegi-  
um Canonorum Ecclesie Cathedralis Cracouien.  
quod est Seminarium Episcoporum. Quo porro  
consilio id fecit? eo sane vt per eam vitam, quæ à  
mundo, & mūdānis abstrahit, ad cœlum & cœlestia  
aditum haberet, & Patriæ commodius prodesset su-  
am operam deposcenti. In hoc munere atq; digni-  
tate pie, continenter, iuste, atq; adeo ad normam in-  
tegræ perfectiq; Sacerdotis vixit, vt nomen prius,  
quàm quæsiuit, inuenerit. Profectò hîc iam in cla-  
ra luce occœpit

————— *Virtutem extendere factis;*

& per templum *Virtutis* ad templum *Honoris*

*Quò se Cœlestis Sapiētia duxerit, ire.*

Namq; ad virtutem natus, virtutem coluit, vitæ fi-  
nem huc direxit, & viuendo peruenit, vnaq; per  
eam gradatim ad varios in Republica dignitatis ho-  
nores. Vidit Diuus Stephanus Batthoreus bona  
ipsius cum eum coram vidit: vidit dignitatem cor-  
poris, eloquium oris, animi prudentiam: statimq;  
*Aulæ* suæ in numerum *Secretariorum* adlegit; & pau-  
lò post *Maiorem* Regni *Secretarium* fecit: vbi &  
huic, & Sigismundo Tertio post hominum memo-  
riam optimo, maximo, cæterisq; Principibus viris,  
ob diligens in expediendis Regni, Regisq; nego-

tiis, & legationibus officium, ita fuit carus, vix vt  
quisquam vnus vni carior foret, quàm ille vnus vni-  
uersis. Vfus enim acri circumspeditione, & non suâ  
se, sed Principis fortunâ dimensus, omnia egit sine  
iactantiâ, & retulit ad vsum Regni, ad vsum & fa-  
mam Principis. O boni lubrica vestra vita, & via est,  
nisi sic agitis, qui in *Aulâ* versamini. nihil rerum  
mortalium tam instabile, & fluxum est, quàm poten-  
tia non suâ vi nixa. Firma & stabilis fuit in nostro  
PETRO TILICIO, quia ipsum ad maiorem dignita-  
tem euexit, & *Referendarium* Regni creauit. Vbiq;  
ille vigil, & diligens in suo officio; sed hîc etiam  
æquitatis iustus arbiter, & pauperum egregius tu-  
tor; siquidem in causa, aut oppressione eorum cum  
Præfectis, & plerisq; Magnatibus inimicitias susce-  
pit; & suâ fidē Regi, atq; omnibus Ordinibus, cum  
maximâ gratiæ, & benevolentiæ significatione tan-  
toperè probauit, vt summis quibusq; honoribus di-  
gnus iudicaretur. Et obtinuit. Creatus enim *Pro-*  
*cancellarius* Regni, & in *Episcopam Culmen*. euectus,  
simulq; in *Sanctius consilium* ac *Senatoriam dignita-*  
*tem*, consilium, & leuamen fuit, Regi, Ioui illi, vt sic  
dicam Pallas, atq; *Bono publico Custos*. Graues hîc  
vtrimq; seriæq; ipsius curæ: quibus tamen cum suâ  
in rebus agendis dexteritate, tum consilij pruden-  
tiâ respondit. Munus enim Procancellariatus la-  
boriosum,

boriosum, addam & inuidiosum ; & in quo non di-  
cam gratiam mereri; sed odium vitare, difficile est,  
multos annos ita sustinuit, vt industriam fidemq;  
Regi suam probauerit; & communiter omnibus in-  
tegritatem, animumq; ab omni labe, aut corrupte-  
lâ immunem. Nimirum

*Iustitiæ cultor, rigidi Seruator honesti,*  
honestum ————— prætulit vtili,  
& *Reiecit alto dona nocentium*  
*vultu.*

Mirum & breue, sed verum est: nulla re ( ad vsum  
prouoco ) quæcunq; Respublica magis floruit, flo-  
ret, florebit, quàm immotâ iustitiâ: nulla re magis  
flaccescit, & deficit, quàm illâ tali. Hanc noster T I-  
LICIUS diligenter seruabat, & iudicia, iusq; sui of-  
ficij tam exquisitè, sedulò, & pertinaciter exercebat,  
vt cum inter iudicandum cibi potusq; cæperet obli-  
tuo; Collegasq; suos ( Assessores appellant ) aut to-  
tum diem detineret, aut fame victos, ipse inuictus  
compelleret abire. Quid multis? Publica famæ  
voce, res Sarmatiæ administrabat, tam abstinenter,  
quàm alienas, tam diligenter quàm suas, tam reli-  
giosè, quàm publicas, & quæ *Sacrum* illud *Nomen*  
*Patriæ* tangunt. Neque verò in tantis Regni ne-  
gotijs officium boni *Pastoris*, aut curam gregis sibi  
commisssi neglexit; sed ita expleuit, vt ab hoc in

*Varmien. & Pomesania* Episcopatum transferit.  
Nunquam ignaua aut deses est virtus: nullæ ipsi à  
præclaris actionibus feriæ: nullæ nostro TILICIO.  
Statim hic pietatem cultumq; Diuinum auxit: Ca-  
tholicam Religionem multis in locis, à quibus exu-  
labat restituit: vigilantia, doctrinâ, vitæ sanctimo-  
niâ, instar Herculis capita renascentis Hydræ, id est  
sensuum qui sunt ab Orco refecuit: disciplinam sta-  
biliuit in Clero: bona sua, & exercendorum mune-  
rum suorum facultatem Ecclesiæ ministris reddidit:  
multorum animos, qui nutabant confirmauit; at si-  
mul quoq; sibi campum aperuit, ad maiorem Ho-  
noris dignitatē. Scilicet enim ab hac Episcopa Var-  
mien. *Præposituraq; Miechouien.* quam ob res in  
Liuonia à Carolo Sudermaniæ Duce turbatas, in  
subsidium tenuit, in Wladislauien. & Pomeraniæ,  
ac demum in Cracouien. non ambitu, non largiti-  
one, sed propriâ virtute translatus est. Et quidem  
quod ad laudem eius magnum, ad honorem splen-  
didum, illustre ad gloriam, eâ omnium alacritate,  
approbatione, gratia, vt ante totius Sarmatiæ præ-  
iudicio, omnium Ordinum votis, omnis populi Po-  
loni propè dixerim suffragiis, Episcopo Cracouien.  
& Dux Seuerien. fuerit, quàm Pontificis maximi  
iudicio, Regis prudentissimi voce declararetur.  
Reuera enim fuit Hercules, siue Atlas, qui fulciuit

Pauli V.  
Sigis. III.

Sar-

*Sarmaticum* istud Cœlum vtriusq; Reipub. Sacræ  
 & profanæ. Vidimus eum vidimus, vt Numam ali-  
 quem, aut Lycurgum Sacris humanisq; rebus, pacis  
 belliq; artibus, mixtum ac idoneum: & in duplici  
 munere, feliciter ac industriè, omnia sic, vt in vno  
 alius, obeuntem. Sanè verò quis nescit, nostrum  
 TILICIVM per plures annos in omni Diœcesi sua  
 Sacra & Religionem direxisse, defendisse, propagas-  
 se? idq; eâ curâ, industriâ, prudentiâ, vt exemplū,  
 à nemine accepisse, posteris tradidisse, ab æquis pe-  
 ritisq; arbitris iudicetur. Etsi arbitrio aut testimo-  
 nio quid opus? res ipsa vociferatur, & tota Sarmacia,  
 quæ confusa ante, aut tenebrosa, vbi PETRI TI-  
 LICII sibi lumen affulsit, mutata in melius, antiquâ  
 pietatem, spondere sibi semper aufa. Etenim Re-  
 ligionem Catholicam Romanam *in cuius gremio mori* E testamen-  
*felicius est, quàm ab initio nasci; cum non nasci sa-* to Ioan: Za-  
*trius sit, quàm in hac non mori.* fortiter, & constanter moscii virii  
 iuit assertum, ac propagatum aduersus impuros Hæ incompara-  
 reseos fædissimæ Gigantes, dum conatibus eorum bilis.  
 nefarijs, cum vbiq; tum vel maximè in Comitibus a-  
 criter obsticit, fœderis initionem disuasit, audaciam  
 repressit, ferocitatem inuicti animi robore fregit.  
 Amplius: omnia summo studio fecit, quæ ad boni  
 & inculpati Pastoris, ac Præsulis officium pertinent.  
 Namq; ad præscriptum *Concily Tridentini*, omnia

reuocauit: omnē penitus munerū Ecclesiasticorum  
 sustulit nundinationem: diffuentes Clericorum  
 mores, seueris coercuit legibus: refrenauit libidi-  
 nes: cohibuit luxuriam: expulit nequitiaē instru-  
 menta: Religiosorum coetus correxit, & auxit: Xe-  
 nodochia Scholasq; erexit: Aras, & templa instau-  
 rauit, aut noua instituit. Vis maiorem fidem? Am-  
 plissima & sumptuosissima *Ædes Coualien.* in lau-  
 dem Dei Diuorumq; exstructa, & magnificè dotata  
 loquitur. Loquitur (vt alia taceam) & hoc Sacel-  
 lum; imò tota *Ecclesia Cathedralis Cracouien.* inte-  
 riùs, & exteriùs, splendidum ad nitorem restituta, an-  
 dicam restituenda? magnam ipsius in Deum pieta-  
 tem, magnum, & feruens in Religionem studium.  
 O vos qui gradu illi similes idem sapite, idem faci-  
 te. Religionem Catholicam vnā, à qua est vincu-  
 lum rerum, & *Societatis Publicæ* (nam ab innouatā  
 dissidiorum faces, & Sceptris periculum, aut interi-  
 tus) asserite. Sic enim beneficū illud *Numen* pro-  
 pitium experiemini, quod nostro *TILICIO* semper  
 adstitit, amicè rexit; etiam externā istā felicitate  
 auxit: quia & ipse simul cum *Pietate* verā, *Patriam*  
 ornauit, defendit, auxit. Reuera enim ratus

Vnum Au-  
 gurium o-  
 ptimum pu-  
 gnare pro  
 Patria.

Eis δὲ αὐτὸς ἀπέπεσε ἀπὸ τοῦ ἐδάφους ἐπὶ τὰ ἄσπερα :  
 seq; Reipub. esse autumans, non suam Rempub.  
 nihil salute Patriæ antiquius esse duxit, ac omnium  
 nostrum



nostrum vitam suâ industriâ, sartam tectam seruare  
studuit; & illud quasi in fronte impressum gerens:  
SALVTEM POPVLI LEGEM SVPREMAM esse, le-  
gum integritatem, & veræ libertatis securitatem,  
vitæ suæ anteposuit. Diuinitas profectò quædam  
fuit hæc in eo dignitas Senatoria, quam sustinuit  
cum fauore, laude, plausu. Namq; fidus, rerum ho-  
minumq; peritus, salutaria suggestit *Pace* siue *Bello*,  
cum neq; prauâ ambitione in dicendâ sententiâ  
blandiri potuit, neq; *Spe*, aut *Metu* à recto, & ho-  
nesto deterreri; semper inquam salutaria suggestit.

*Nam consulta Patrum, nam leges iurâ; seruans*  
ad mentem Demosthenis, dum nauis Reipub. fuit  
*salua, promptè consuluit, & prouidè: seridè, & non pro-*  
*peranter: bona enim consilia morâ ualescere sciuit.*  
Meherclè verò fortis apud eum non obnoxia sen-  
tentia, quod magnum in Senatore atq; vtile munus,  
vt ad mentem Solonis *συμβελῆ μὴ τὰ ὕδιστα, ἀλλὰ τὰ*  
*κάλιστα.* Ipse fecit, sed constanter, quia vacillatio, sen-  
tentiam mutantium est certum signum incertæ  
mentis: nunquam tamen, vt verbo dicam, cursum  
eundem tenuit, sed portum, qui est *Salus Publici*  
*Boni.* Prudens Nauclerus non semper eò dirigit  
nauem quò cursum instituit, sed quò tempestas cō-  
cedit: Noster idem semper spectabat, sed vela con-  
siliorum suorum ad flatum temporum compone-  
bat.

Philip. 2.  
Tacit. 1  
Hist.

Consulat nō  
suauissima  
sed vtilissima  
ma.

bat. In hoc verò vel maximè excelluit, quod pro-  
cul ab eo fuerit rei suæ studium, vtpotè qui censu-  
it, præcipuum veri iudicii venenum, atq; interitum  
Reipub. *suam cuiq; utilitatem*, Docuerunt Athenæ  
olim sub triginta Tyrannis afflictæ: Docuit Polo-  
nia bis sub duodecim Palatinis;

*Dum sua quisq; petit, sua quærit.*

Paucis dico cum multi certamen plerunq; adula-  
tionis certent, adeò vt *Placentini* aut *Laudenses*  
ferè totum hoc genus, pauci *Veronenses* noster TILICIVS inter eos fuit primus, & Princeps in *Quiete*, Quid in *Motu*? etiam hîc Patriæ, boniq; Publici integritas, & Salus, ipsi scopus. Motum vidimus nostra ætate ciuilem: vidimus

1607.

1608.

parentes

Lucan. lib.

6.

*Frontibus aduersis, fraternaq; cominus arma*

*Cognatasq; acies:*

1612. &

1613.

Vidimus postea milites in omne fas nefasq;, au-  
dos, aut venales, similes Harpyiarum, non Sacro  
non profano abstinentes: vidimus homines quos-  
dam maioris animi, quàm consilij, vno veluti filo  
appendisse *Publicam Salutem*; & omnia sic tur-  
basse, vt pars consilij censeretur, non se miscuisse  
consilij, miscuit se noster TILICIVS mente, lin-  
guâ, factis, ac iunxit gregi suo, id est bonis, Regiq;  
suo; & in subductione, aut quiete aliorum, manum  
ad cla-

ad clauum porrexit; *sed cum hac lege ut consilia sua, Pacis & Togæ socia, non belli atq; armorum essent.* O virum! O ciuem! Post illas tempestates, suo consilio magna ex parte,

————— *dissecit nimbos Solemq; reduxit.*

Felicem res sortita finem, totius belli stamen, ac subtemen, eius prudentiâ abruptum est, & motus ciuilis incendium, Salute Patriæ restinctum. Istud profectò est, istud verè sapientem esse. exercere, & ostendere in Sole, atq; opere quæ aliis in vmbra & ocio differuntur: hoc decus est æternum, sese vulgi sensibus subductum

*Stellis inserere, & consilio Iouis.*

Et fecit mehercule noster, cum suâ propemodum Diuinâ prudentiâ rerumq; vsu, tum incredibili eloquio. Quod enim Homerus de suo Vlysse ego de illo Τῆ καὶ ἀπὸ γλωττης μελιτὸς γλυκίων ῥέεν ἀυδή. Huius ab ore melle dulcior. fluebat oratio. Testes vos appello Senatores optimi, testes & vos Equites Poloni qui publicè, & priuatim multis ab hinc annis in sermone congressuq; iucundum & suauem: in grauibus rerum deliberationibus pondere scientiarû imbutam, copiosam, ornatam, profluentem orationem eius auribus excipientes ab ore, cum voluptate, atq; admiratione pendebatis. Testem te Sigismunde Rex Sapientissime, qui sententiam dicentis summa cum attentione excipie-

D

bas,

bas, & omnia Reipublicæ seria negotia ex consilio prudentissimi instituebas. Testem te Summe Sacrorum Antistes. PAVLE V. Pontifex Romane qui perspectam habens eximiam TILICI vitæ integritatem, perpētuum Ecclesiæ purgandæ studium, labores in extirpandis Hæresibus susceptos, animum deniq; nihil nisi de Deo, & vtilitate publica cogitantem, Apostolicâ & paternâ admonitione eum compellabas, etiam nunc in extremo vitæ ipsius puncto, vt singulis deliberationibus, & Comitii adesset, diligenterq; videret, ne quid Respublica detrimenti caperet. Verè illud vsurpem de ipso

Effectus ex  
Ioue rari.  
Gratiarum  
sacra propa  
go.  
Omnibus  
virtutibus  
excultus.

Πεπλάσμενον ἐκ Διὸς ἔργος.

Et illud Siculi Vatis: Χαρίτεν ἱερὸν Φύτον  
Quid ni? fuit πανταίης ἀρετῆσι κεκάσμενος; & in quem vt Zeuxis in suam Venerem, aut Phydias in Clypeum Mineruæ natura contulisset, quicquid rari vsquam, & vnquam sortita. Etenim ad has virtutes Heroicas, accesserat, & illa Diua, quæ lenit, & feruatum it, eos ipsos qui se perdunt. Plerumq; læsus pulchrum censuit, parcere afflictis,

*Et abstinere, tempus atq; iræ dare.*

Nullius rei facilius obliuiscébatur, quàm iniuriarum: fuit hæc quodam modo propria eius vindicta, hostes beneficiis suis cumulasse; & si aliquando, vltionem sibi ex aliquo sumendam esse putauit,

non

non ulterius progressum esse, quàm, ut qui offendisset, intelligeret se offendisse. Fortunam magnam, magnus decet animus, cuius proprium est placidum esse, tranquillumq; , & iniurias, atq; offensiones, supernè despiciere. At hic simul magnus erat æquitatis amator. ius enim, & æquum, in se inq; aliis, firmiter seruavit, & illud barbarum à barbaro:

*In magnâ fortuna id æquius, quod validius, semper spreuit, solaq; credidit licere sibi laudanda; quia ut sapienter Tragicus vates*

Tacit. 15.  
Annal.

*Minimùm decet libère, cui nimùm licet.*

His succreuit illa, quæ rara Magnis pedissequa Modestia, (cum in altâ fortunâ non abripi licentiæ ventis difficile sit) illi tam familiaris, tamq; amica, ut meritis, virtute, dignitate, supra omnes, suo sensu vel infra se fuerit: quia sciuit quantò quisq; plura adeptus est, tantò magis ipsum esse in lubrico; hinc nihil insolens, vel gloriosum protulit, & sensum de se suisq; temperauit; imò actionem; & sermonem, qui illi grauis, atq; paucus, sed idem prudens; siquidem omnia dixerit, & suscepit circumspectè, id est feliciter: *plerumq; enim omnia summa*

Liu: lib: 5.

*natione gesta, fortuna sequitur.* Hinc cultus decens,

& sobrius, cum turpe duxerit viro, laudes captare

ex corpore, *δοκῆ ἐκ θεῶν τιμῆ, καὶ χάρις συμπάρεπται*

Videtur à  
Deo honor

*ἀνδρὶ ἀρχαί,* vel maximè nostrum **TILICIVM** qui

gratia

comitari  
rum princ  
pem.

modestus fuit, etiam in comitatu, victu, omni suâ vi-  
tâ. Splendidus quidem erat in tractandis Publicis,  
& magnificus: luxum tamen gentis nostræ, & mol-  
litiem vehementer reprehendebat. Sic reuera no-  
ster Episcopus modestiam habuit; sed neq; à graui-  
tate abiuit. Illâ enim saluâ hanc, & authoritatem  
infertam habuit, in vultu, in verbis, in factis; simulq;  
comitatem, & humanitatem: illas venerabiles; istas  
amabiles, adeò, vt nemo sit, aut fuerit, in quem Sar-  
matia nostrâ, duplici isto affectu magis ferretur, *Ve-  
nerationis* pariter, & *Amoris*. In querimoniis audi-  
endis, omnibus etiam infimæ conditionis homini-  
bus, ad se aditum patere voluit: neq; eos abigi, aut  
remoueri passus est: sed ita abire; vt multi ab eo di-  
gressi, rem ipsam quasi manibus compressam, tene-  
re viderentur. Quid aliæ virtutes quas hîc velut  
stellas spargo, & defigo (sit fas ita loqui) in Supremi  
Capitis huius cœlo? Simile. In omni pudicitia in-  
ternâ & externâ clarus: nihil fêcit molliter, aut di-  
xit: nullum verbum obscœnum, nec in cubiculo  
quidem penitiori, ex ore eius auditum: diligenter  
cauebat, ne se induendo, aut exuendo, quâ minùs  
parte deceret, nudaret. Perplacet sanè illud ab ore  
veritatis viri Sancti: *Pudicitia est virtus, quæ comi-  
tem habet fortitudinem.* verùm enim fuit in nostro  
Ciuit. Dei. ANTISTITE, quia par vtriq; fortunæ fuit. Flauit,  
ac re-

ac reflauit ipsi fortuna, & semper

*Rebus angustis animosus, atq;*

*Exitit fortis: sapienter idem*

*Vela contraxit, nimum secundo*

*Turgida vento.*

Quisquis es, tale adama robur animi, quod si semel imbibisti, altus, & erectus contra omnem casum stabis, & vindicabis tibi illud: **NON MOVERI.** Iam natura, ac educatione sobrius, luxuiq; infensus, temulētiam vehemēter detestabatur, eamq; in omni statu, sexu, ætate, vitiorum ianuam, aut sentinam compellans, rem exemplis suadebat, rationibus docebat; & ided nunquam ipse ebrius visus. In diuitiis porro maius quiddam est, quàm imperiti suspicentur, rectum cursum tenere: tenuit ille, quia prudenter ab his, mentem ad altiora natam auocauit. habuit opes, habuit

*artemq; fruendi.*

Quid enim eius Magnificentiam memorem, quam Patriæ afflictæ in omni necessitate, aut discrimine, vberimè præstitam videbit Posteritas in **ACTIS ÆTERNITATIS?** Quid liberalitatem incoetus Religiosorum, in Sapientiæ Studiosos, in Pauperes & egentes loquar? aded largiter, & perenniter in omnes fluxit (quamuis cum iudicio & modo, nam nimis hauriendo fontem ipsum exhauris) vt Deum

quemdam terrestrem ad beneficiendum generi humano, è cœlo missum, veneremur. Videte rem non verba. E Sueciâ ( in quâ comes fuit Sigismundo Regi) inter alias res suas in Poloniam missas, à Suecis in mari direptas, Nauclerus surreptis bis mille sexcentis sex florenis, aufugit. cæterum tempestate ferè tres menses, in mari iactatus, tandem appulit Gedanum, sub hoc idem tempus, quo & noster TILICIVS; sed hic in littore sopitus, somnio edoctus est, pecuniam sibi restitutum iri. Res illa certa, & ista rata fuit, fidem etiam ab euentu habuit. euigilat, inquirit, reperit, & totum penitus quicquid id pecuniæ fuit, in pauperes, in Xenodochia distribuit. Nec absimilis reliquo vitæ suæ cursu fuit: nullum diem prætermisit, quin pauperibus & Religiosis suæ liberalitatis egentibus, prouiderit; hinc quasi annum quemdam censum, quotannis, & Monasteriis, & Literarum Studiosis, & Xenodochiis, Eleemosynam erogabat; vitaq; functus, fecit erogari, quod *Fama Posthuma* gratâ memoriâ testabitur. Nec ista in gratiam aut gloriam. Deo soli, & vsibus humanis imputabat: & fructum beneficii vnum censebat, FECISSE. Orarum mirumq; virum! vt stellæ in cœlo lucent, hoc tantum vt luceant: sic ille naturâ, & inclinatione beneficus, sine alia affectatione, aut adspectu, promptissimo, ad  
opem



opem ferendam animo fuit, siue quis auxilio, siue consilio indigeret. Vidimus, & nouimus multos ab eo beneficiis auctos, ac cumulosos. Vidimus singularem eius amorem in suos. Incredibile enim est quantum illis bene fecit, bene voluit. Cæterum in hos, & omnes domesticos, ac familiares suos, tantâ erat facilitate, ac comitate, vt communis videretur omnium parens. Cum eis familiarissimè colloquebatur, vrbanius iocabatur, peccantes paternâ, potius caritate corripuit, quàm herili imperio. Illud verò illud, vt rarum, ita magnum, & pulchrum, id est amorem innatum in *Bonas Musas, & scientias*, nulla vnquam annorum series delebit; cum per has iuerit ad nomen immortalitatis. Quis illas calidius habuit, & intentius? Quicquid temporis à publicis negotijs vacui dabatur, huc conferebat. Quis doctos, aut excultos literis ardentius amauit? Quis largius, aut prolixius fouit? Quis doctrinæ titulum in Polonia sibi inscripsit, & eius Patronum non ascripsit? Prodite vos ô *ACADEMICI* mei, nonne vestris disputationibus epulas condiebat, in eisq; audiendis, tempus à curis liberum, studiosissimè collocabat? Domum medius fidius suam æternum voluit esse ingeniosorum perfrugium, Musarum, & Sapientiæ sedem, quia & te talem ô *ACADEMIA* mea, quæ religionem vnâ eamq; veram  
ad hoc

ad hoc æui, inter ruinas, aut lapsus aliarum, etiam inter ciuiles istas procellas, & communem pænedicam Europæ furorem inuiolatam, contra omnes natos ab Orco sensus, aut dissensus in Deum, vel de Deo, Diuisq; conseruasti,

*Et protulisti germine insignes viros,  
Auxilia, vel consilia Publicæ Rei*

1615.

vehementer amabat, incolumitati tuæ, atq; honori prudentiâ suâ, & vigilantia, tanquam ex altâ speculâ, prouidebat, ne quid imminutionis, aut detrimenti caperes. Memini anno superiori, cum, dum ipsius reditum à Comitij læti lubêtesq; excipimus, cum multa de tuo splendore, & integritate retinendâ dixisset, hæc addidisse. *Ego quæ muneris mei sunt, diligenter pro vobis excubo ACADEMICI mei; neq; quicquam dum viuo, aut spiro patior vestris immunitatibus imminui, aut patiar: sed agite quoniam contra vos occulta agitantur consilia, aut subuerso, serio vigilate.* Nota ô ACADEMIA, & perpende verba tui prudentissimi CANCELLARI: perpende animitus, atq; pro te continenter excuba, vt aduersariorum infringas conatus, & feliciter floreas, quâ ille quàm florentissimam semper esse voluit, dum & PVBLICVM ORATOREM in tuo domicilio annuo, eoq; liberali stipendio instituit. Vidit, vidit vir prudentissimus, *Literarum & Sapientiæ inprimisq; Eloquentiæ studiis*

studiis imperia crescere, & florescere: vidit quæ, & qualis sis, multis abhinc annis, cum hîc olim hausit suauem, atq; vtilem doctrinæ liquorem: vidit internos animi tui sensus, in hac præsertim pertinaci, & candida assiduitate erudiendæ iuuentutis in ornamentum, & vsum Reipub. solâ ferè mercede à conscientiâ; proindeq; dictis & factis, pro aris honore salute tuâ, cum liuore calumniantium, aut occultas molientium insidias, acerrimè depugnauit. Ah utinam plures illi similes; præsertim quos Deus vicem suam fungi voluit in terris! non verear dicere illorum ornamento, Reipub. præsidio, id fore; & felicius administratum quædam iri. Sed ad meum reuenio Episcopum, cuius aureos mores non melius quàm Poëtæ verbis descripserim;

————— *fœcunda quies, virtusq; serena,  
Fronte grauis, scæuusq; decor, luxuq; carentes  
Deliciæ:*

Addo. imperatorio vultu, patulâ fronte, viuidis oculis, & ore prono in humanitatem, ac misericordiam, nobilis & notus. Totus integer, amans pacis, & concordia, verax, apertus, & sine fuce,

*Qualis Apellæis est color in tabulis,*  
ob suas Diuinas virtutes, quibus vt floridū aliquod pratum, aut Alcinoi hortus variè nitebat. Tota vita ipsius nihil nisi probitas, & rectitudo, ad eò in fa-

etis non obliquus, vt nec in verbis. Vno hoc nimius, & immoderatus, quod in se, etiam in hac senili ætate, asper, & durus. non nox curis soluta: nõ laboribus dies liber: non mensa aliquã molestiã. Aut Sacris

*Aut curam impendit Populis, aut ocia Musis.*

Neq; tamen preces consuetas, cultumq; in Deum, & Diuos inter hæc negligebat. Non hîc in frequentissimis eius, laudibus, & precibus Deo fuis, prodignitate explicandis immoror: in quibus non solum diurni temporis magnam partem collocabat, sed etiam nocturnæ quietis. Purissima mens eius contemplatione, veluti pennis in cœlum, ita sese attollebat, vt soli Deo inhærens sui pænè obliuisceretur. Nullum diem abire passus est, quin sacrosantum *MISSAE* officium summã cû attentione, & reuerentiã, audiuerit; aut ipse singulis diebus festis fecerit; & sanè ita, vt prius precibus, contemplationi, lacrymis vnã, aut alterã horam tribueret. Munus *EPISCOPI* aliquod sollenne obiturus, pridie se inedia affixit; immò precibus, votis, lacrymis, vt quod sanctè pieq; instituebat, ritè & feliciter exqueretur *Nomini & cultui Diuino* propagando; *Ti- etati & Sanctimonie* augendæ. Accedebat ad feruens præ unum studium voluntaria vitæ austeritas, vt ieiunium, & abstinentia, interioris vestitus asperitas, le-

tas, lectus in humo nuda, cùm singulis diebus mor-  
ti REDEMPTORIS nostri dicatis, tùm peruigilijs  
Diuorum Petri, Pauli, Stanislai, Patronorum; pecu-  
liter verò DIVAE Diuarum

*Quæ magni genus est Dei;*

*Cui Deus ipse*

*Imputat genus, & suam*

*Inscribit sibi Matrem,*

cuius à primâ adolescentiâ âmorem & cultum in-  
duerat, eamq; Patronam sibi, & ducem in periculis,  
in molestijs, in omni vitæ cursu, felici successu ele-  
gerat. His, & antea actis omnibus *Publicis, & Priua-  
tis* Diuinis dotibus suis, rapuit omnem *Sarmatiam*,  
aut potius *Orbem terrarum*, in affectum, & ad spectũ  
sui; sed etiam neglectu quodam pio, humanorum.  
Cum enim ipsi in hac ætate veneranda Senili A R-  
CHIEPISCOPATUS Gnesnen. Principatus Sacro-  
rum, Primatus Regni deferretur, non acceptauit,  
non contemptu aliquo: sed Diuinorum, & cœlesti-  
um amore. Aliam ille iam tum dignitatem, alios  
honores, in alto & firmo illo loco spectauit, vbi *nul-  
la serenum umbra turbabit*. Omnia humana, minuta,  
magna, infima, ab omni æuo corruunt, & corruent  
in omne æuum,

————— *Summisq; negatum*

*Stare diu:*

E 2

& ideo

& ideò mentem flexerat, ad Magnam illam Mundi  
MENTEM, quæ nihil hîc voluit firmû præter ipsam.  
Cælo profectò, & cœlestibus mox fruiturus, cœlum  
& cœlestia cogitauit. ab hoc Sarcophago discite,  
quem vbi Episcopus Cracouien. esse cœpit, sibi su-  
perstruxit; & in eo sui ipsius osculantis pedes CHRIS-  
TI IESV, Seruatoris sui, imaginem. Cæterùm cum  
iam diem sui abitus præsentiret Cracouiam redit,  
& hîc expectat quid de se Magnus ille ARBITER  
Mundi statuatur. III. Non. Quintil. è morbo, om-  
nem Medicorum industriam fallente TILICIO agrè  
esse cœpit. Mensis Anni Iulius erat, qui calore &  
æstu commotior morborum periculis, aut mortali-  
tatis damnis, solet esse, famosus. Noster licet iam  
ab annis vernaculâ quasi valetudine tentaretur; ta-  
men ista fallere non potuit suspicacem, & in ipsam  
iam mortem propendentem, diu antea ex sapientiâ  
animum, qui sciebat: *Non magno apparatu, aut ex-*  
*quisita molitione opus esse, vt corporis atq; animi infir-*  
*mo vinculo coherens societas dirimatur.* Itaq; tunc  
malum in dies ingrauescere: color, calor, vires &  
vita, labascere: deniq; lecto TILICIVM affigere,  
hoc est leto assignare. Morbi statim inualescentis  
principio, prima illi cura fuit Sacris, Pœnitentiæ,  
Eucharistiæ, Extremæ vnctionis, purgari, muniri,  
foueri mysterijs; sed & suis benè in habitu dicere.

Ego

Ego iam à vobis auellor & filioli mei, aut abeo, & vestris precibus cupio iuuari. non quidem omnium vestrum, vt volui optatis respondi; sed PROVIDENTIAE id tribuite & fato, cuius lege abeo. Deus ille Pater & Dominus omnium nostrum, quod non potui vobis suppleat, ac prosperet. Neq; dubitate, prosperabit, saltem illi cum timore & tremore seruite: Religionem autam, à quâ saluâ omnia bona fluunt; neglectâ concidunt omnia, castè colite: probitatem re exprimate & factis: Patriæ & Reipublicæ prospicite. Quid plura? valete iam filioli mei, valete, & viuite concorder in Ecclesiæ Catholicæ vestrum, & Patriæ bonum. Hic iam quam olim cum Augusto in *Dauaria* sibi exoptare consueuerat; liberum etiam in illâ necessitate, & intrepidum animum. vtrumq; votis accidit. nam aliquot tātū diebus summum hoc egit MORI. cum adiumenta sic vitæ prius omnia, vt olim blandimenta spreuisset. Animi firmitudinem non ab humanis, aut mundanis, quorum neq; vllum omnino verbum fecerit, aut voluerit audire; sed à Diuinis perficiebat. illud toties ad verba viri incōparabilis Reueren. Sebastiani Nucerini Canonici Scarbimirien. magno spiritu subiiciens: *Dne IESV, qui auges dolorem, auge patientiam Christianam.* cuius & imaginem CRUCIFIXI sæpius disseuauit CHRISTE inquit, IESV PATER mi, ne tantus tuus

*labor sit cassus, Sanguis ille tuus preciosus in Passione abundè effusus, in me deriuetur; & adsit mihi cum omni æternitate decertanti in hac horâ, à quâ æterna salus animæ meæ dependet.* Deniq; vno in pietatis actu piorum precibus incessabiliter expetitis ipse etiam (ægrè licet) ad pias supplicationes, iam fugientes vitæ vires, reuocare; etsi quispiam religiosè Psalmos Dauidicos recitasset, renidere ille, & in altum oculis manibusq; moribundus sublatis cum eo pergere, aut ipse piè precari, & perficere. Illa ipsa suprema sibi nocte tantâ fuit animi corporisq; tranquillitate, vt **TILICIO** patiente, alium ibi non loquentem, non querentem, non suspirantem torqueri crederemus, aut ipsum vitæ restitui. Sed enim immutabilem *Providentiæ* legem non fas mutari. sub exortum Solis, Idib. Quintil. Diuæ Margaretae Virgini, & Maryri dicatis, Sol noster, & Margareta Regni, acceptis omnibus **GRATIIS**, & Indulgètiis, Sanctum, & Salutare **NOMEN IESU** voce non ampliùs reuocâda inuocans, & Spiritum **DEO** suo cõmendans feliciter è vitâ excessit.

Ah nobis infeliciter excessit Maximus Optimusq; virorum.

O dolor, ô lacrymæ adeste. voluptas, & lætitia abeste. qui vidistis, qui audistis, qui amastis, **PETRV M TILICIVM**; & quibus ille bene, fecit bene voluit.

*Ferite*



*Ferite palmis pectori, & planctus date.*

Occidit PETRVS TILICIVS Antistes, & Mystes diuinus. Dole Religio: luge Sarmatia: omnis Ordo Sexus, Ætas plāgite: mœre ACADEMIA: flete TILICII. Occidit Episcopus diligens, Senator prudēs, Religionis propugnator, exemplar pietatis, præsidium pauperum, bonorū columna, Meccenas eruditorum, & quem, aut propter studium in Rempub.

PATREM PATRIÆ, sicut apud Romanos olim Fabios vel Camillos: aut propter mansuetudinem, & humanitatem DELICIAS GENERIS HVMANI, sicut inter Imperatores Titū Vespasianum, vel Traianum: aut propter consilium MENTEM PATRIÆ, sicut apud Troianos Æneam possis cognominare.

Occidit HEROS Magnus quem virtus nascentem excepit, doctrina natum excoluit, modestia supra æquales extulit: in cuius amore omnes boni inuidiā frustra inuidente, conspirârunt: quem merita ad omnes dignitatis, & honoris gradus quos fas fuit mereri per genus suæ vitæ, aut mentem volentis, euexerunt. Sol ille Sarmatiæ olim in ortu Solis exortus, nunc in ortu Solis occidit. Eheu iacet ille qui te ô Polonia iacentem semper erigebat. dum

*in omni tempore*

*In munere omni Nestorem se præbuit*

*Lingua atque mente.*

Iacet

Iacet ex animis, qui tibi casu aliquo exanimatae animum addere solebat. O Fata in hoc tali casu fanda, & ploranda! Sacrorum Princeps, Ecclesiae: Senator, Reipub. occidit, qui domi forisque probavit suum ingenium, iudicium, eruditionem, candorem, liberalitatem, animi magnitudinem, prudentiam, sapientiam; in omnibus ut paucis dicam, TILICIVM, id est omnis perfectionis apicem, hominis Phœnicem, Rei literariae Principem, virtutis Dictatorem. Sed quid ago? dum elogium orno, dolorem exulcero. laudibus lacrymae ciente semel repressae. Aliud verba flecto; & huc potissimum, ut serio eum vivere discamus, quem lugemus? Absit ergo dolor. Etenim

*Si fas vivendo Cœlestia scandere, cuiquam est,  
Huic soli cœli maxima porta patet.*

D. Paulus  
ad Tit. 1.  
1. Tim:  
c. 8.

Pietate namque in Deum, amore in patriam, beneficentia in omnes, & illis quas Doctor noster in suo Antifite requirit, virtutibus, prudentiam, doctrinam, morum integritate, innocentiam, fide, fideique; propagandae feruente studio, mansuetudine, iustitiam, sanctitate, pudicitiam, aliisque; omnibus excellentibus, omnibus eximiis,

*Innixus arces attigit igneas;*  
& abiecta hac mortalitatis sarcinam ad originem sui reuersus, viuit. viuit, & supra omnem inuidiae nubem

ben positus famâ fruitur, quam meruit, felicitate  
quam quæsiuit. Non cum sumit quis animam, in-  
cipit viuere, sed cum ponit, aut potius reponit. nam  
quem nos vltimum vitæ diem vocamus, nouæ &  
duraturæ natalis est; ideoq; sapiētissimo ritu Thra-  
ces olim hominum dies *Natales* luctu, & eiulatu;  
exequias gaudio, & alacritate prosecuti. Immorta-  
les animæ liberum, & sine labe diem habēt in quie-  
te, & illo puro Sereno, cum sine labe emigrârunt.  
Habet noster TILICIVS. nam vitæ suæ iter rectè  
iniuit, rectè peregit, & ex hac ad meliorem in Ca-  
tholicæ religionis pio sensu, pio ritu, piè vt par est,  
Sacramentis munitus placide abiit.

*Absint inani funere n. enie*

*Luctus; turpes, & querimonie.*

Noster TILICIVS, non lugere, lætari nos iubet;  
tametsi à leto: quia verè lætari, à leto ipse cœpit,  
vti confidimus, & vouemus. Quare non lacrymas,  
sed flores spargite, & tumultum TILICII hortulum  
facite. cubent frigida ossa inter odorum snauitates.

Deniq; dicite. Vale, vale, vale PETRE TILI-  
CI, qui nobis præiuisi, nos cum fatalis  
noster dies venerit, læti  
sequemur.

FECI & PLANXI.



dem potius sanis sanis quam meritis, felicitate  
 quod dicitur. Non cum tantis deis animam in-  
 cipit vivere, sed cum potius aut potius reponit nam  
 quam nos vitia in vix dicit vocamus, non &  
 dicitur naturalis est; id est, quod dicitur in vix  
 ces olim hominum dicitur. A. vix dicitur, & emulata;  
 expeditus studio, & alacritate prolecuti. Immortu-  
 les animas libentem, & si se libe die n habet in dicit-  
 re, & illo potius sereno, cum fac habe emigrantem.  
 Habet nosse. Tunc vs. nam vix sur iter regis  
 in vix rebus, & ex hac ad meliorem in Ca-  
 tholicis rebus pio senta, pio non, pio ut par est.  
 Sacramentum dicitur placide abire.

BIBLIOTHECA



WAGELLONIC

Habet nosse. Tunc vs. nam vix sur iter regis  
 in vix rebus, & ex hac ad meliorem in Ca-

Noster dicitur, non iugiter, letari nos iubet;  
 tamet si letis: quia vero letari, a letis ipse coepit  
 uti cum timore & vobis. Quare non letari  
 let flores dicitur & tantulum Tunc in hortulum  
 fieri. in vix dicitur, est inter o formi sanitates.  
 Denique dicitur. Vale vale, vale P. r. r. T. r.  
 es qui nobis presintisti, nos cum facias  
 nosse dies venient, leti  
 sed nemus.

Facit & p. r. r. r.



